



Arkivnr: 2016/8534-88

Saksbehandlar: Linn Cathrin Pedersen

Delegert saksframlegg

Saksgang

Fastsetjing av ansiennitet - reserveløyve haust 2016

Samandrag

Ledige ordinære og reserve drosjeløyve i Bergen køyreområde blei kunngjort i pressa 20.08.2016. Innan søknadsfristen gjekk ut 10.09.2015 melde det seg 13 søkerar til ledige reserve drosjeløyve, jfr. vedlagte søkerlister.

Det er presisert i kunngjeringssteksten at ansiennitet som full tids drosjesjåfør skal dokumenterast med kopi av A-melding (lønns- og trekkoppgåver) eller lønslipper for den perioden ein krev ansiennitet for. Fylkesdirektør samferdsel har på grunnlag av den dokumentasjonen som den einskilde søkeren har levert inn fastsett ansienniteten som full tids drosjesjåfør.

Søkerar som allereie innehavar drosjeløyve får automatisk godkjend ansiennitet for tida dei har vore løyvehavar.

Yrkestransportlova med tilhøyrande forskrift er lagt til grunn i denne saka.

Etter å ha vurdert den einskilde søkeren sin ansiennitet på grunnlag av innlevert dokumentasjon finn fylkesdirektør samferdsel å kunne fatta følgjande

Vedtak

I medhald av yrkestransportlova § 12, jfr. forskrift om yrkestransport § 43, blir ansienniteten som fulltids drosjesjåfør og som løyvehavar til den einskilde søker fastsett slik det kjem fram av vedlagte søkerliste.

Rolf Rosenlund
seksjonsleiar

Linn Cathrin Pedersen
førstekonsulent

Saksframlegget er godkjent elektronisk og har derfor ingen underskrift.

Fylkesrådmannen, 26.09.2016

Innleiing:

Ledige ordinære og reserve drosjeløyve i Bergen køyreområde blei kunngjort i pressa 20.08.2016. Innan søknadsfristen gjekk ut 10.09.2016 melde det seg 13 søkerar til ledige reserve drosjeløyve jfr. vedlagte søkerlister.

Det er presisert i kunngjeringsteksten at søkeraden skal ha følgjande vedlegg:

Attest frå Konkursregisteret i Brønnøysund (konkurs-/ gjeldsforhandlingar)
Kopi av A-melding (lønns- og trekkoppgåver) for den perioden ein krev ansiennitet for
Attest for skatt og meirverdiavgift
Politiattest
Vitnemål for bestått eksamen frå det obligatoriske taxiløyvekuset
Tilsagn bankgaranti NOK 47.000,-

Det er også presisert at den einskilde søker må leggje fram økonomisk garantierklæring frå bank eller finansieringsinstitusjon før tildeling av drosjeløyve kan skje.

Søkeraden om drosjeløyve med vedlegg vil utgjera grunnlaget for fastsetjing av ansiennitet som full tids drosjesjåfør og for tildeling av ledige løyve. Det er den einskilde søker sitt ansvar å sjå til at søkeraden har dei nødvendige vedlegga. Søkerar som allereie innehavar drosjeløyve får automatisk godkjend ansiennitet for tida dei har vore løyvehavar.

Fylkesdirektør samferdsel har på grunnlag av den dokumentasjonen som den einskilde søkeren har levert inn fastsett ansienniteten som full tids drosjesjåfør, sjå nedanfor.

Fastsetjing av ansiennitet:

Under føresetnad av at den einskilde søker oppfyller krava i forskrifta §§ 4 – 6 vil ansiennitetsprinsippet vere avgjerande for tildeling av løyve.

Når det gjeld dokumentasjon av praksis som full tids drosjesjåfør, så har samferdselsdepartementet uttalt at fylkeskommunen står relativt fritt med omsyn til kva som blir kravd framlagt som dokumentasjon.

Vidare har departementet uttalt at fastsetjing av endeleg ansiennitet må byggjast på skjøn.

Fylkesdirektør samferdsel legg difor ei total vurdering av relevant dokumentasjon til grunn med omsyn til fastsetjing av den einskilde søker sin ansiennitet.

Det er presisert i kunngjeringsteksten og på søkeradsskjemaet at den einskilde søker skal leggja ved kopi av lønns- og trekkoppgåver for den perioden ein krev ansiennitet for. Dette er minimumsdokumentasjon – og det er den einskilde søker sitt ansvar å sjå til at samferdselsavdelinga har denne dokumentasjonen tilgjengeleg.

Utskrift frå arbeidstakarregisteret og kopi av lønns- og trekkoppgåver utgjer grunnlaget for fylkesdirektøren si vurdering av ansienniteten. Utskrift frå arbeidstakarregisteret hentar samferdselsavdelinga ut sjølv.

Fylkesdirektør samferdsel finn grunn til å presisere at den einskilde søker berre får ansiennitet for den perioden vedkommande har vore full tids drosjesjåfør, og vedkommande ikkje har hatt anna heiltidsstilling. Dette skal vera dokumentert med lønns- og trekkoppgåver for den aktuelle perioden. I tillegg skal det i utgangspunktet også gå klart fram av utskrifta frå arbeidstakarregisteret at søkeren har hatt drosjeyrket som full tids stilling.

Dette betyr at søkeren ikke får godkjent full ansiennitet for periodar vedkommande har hatt anna heiltids stilling. Avgjerande i denne samanhengen er kva som er meldt inn til arbeidstakarregisteret, og årsinntekta. Dette gjeld sjølv om den årlege inntekta som relaterer seg til drosjeyrket er relativt høg.

Fylkesdirektør samferdsel har lagt prinsippa ovanfor til grunn når den einskilde søkeren sin ansiennitet er fastsett. Det blir likevel presisert at fastsetjinga skjer på grunnlag av ei totalvurdering av den dokumentasjonen søkeren har levert inn. Der det har vore grunnlag for tvil er ansienniteten fastsett på grunnlag av skjøn. Manglende innlevering av dokumentasjon kan ha fått innverknad på fastsetjinga ansienniteten.

Ansienniteten er rekna fram til kunngjeringstidspunktet 20. august 2016.